

畿

輔

安

瀾

志

畿輔安瀾志

薊運河卷上

原委

附載

薊運河卷下

隄防

橋渡

修治

官司

祠廟

水利

畿輔安瀾志

薊運河卷上

原委

薊運河古鮑邱水合洶泃庚溫藍巨梁諸水以成者也
詳見後自西迤東水源不一明嘉靖二十四年漫潮

河不使入順義縣境由密雲縣合白河爲北運河其
下自白河支分循其故道以入於海亦謂之潮河

方輿紀要鮑邱河自密雲逕順義縣而合於白河
又分流由三河逕寶坻而合於洵河統而計之總
一鮑邱水也自明景泰二年由北塘河口開引新
渠由是天津糧艘由山沽經寶坻之潮河而上溯
於薊州卽今所謂薊運河也畿輔通志寶坻之
潮河卽密雲之潮河古鮑邱水也一統志潮河
至順義縣北與白河會復自白河分流經通州三
河縣西南寶坻縣東合洵河入海

鮑邱河在三河縣西南止接順義縣境上無來源至縣東青陽屯始有河形東南流逕陽店鎮東泥窩鋪西又東南流逕料馬莊出境

明史地理志通州三河西南有鮑邱河一名溫榆河流入泃河西有泥窩鋪巡檢司後移於夏店鋪三河縣志鮑邱河在縣西南二十五里卽白河之分流亦曰潮河自順義縣交界田各莊入境至時管營始有河形由夏店東石橋下至葛中馬房

寶坻縣交界止長七十餘里平時乾涸間有水路
每遇霖雨衆水歸河旋發旋消 畿輔通志鮑邱
河源出密雲北山逕三河縣之夏房東南逕虎將
莊入寶坻縣界

謹案三河縣鮑邱河首起順義縣田各莊始有河
形東南流逕程管營又東南逕時管營又東南逕
賈管營又東南逕賈各莊東又東南逕康家莊西
又東南逕夏莊西泥窩鋪東又東南逕前丞相後

丞相迤南流逕趙各莊北又東南逕夏店西又東
南逕葛各莊馬房入寶坻縣界長七十餘里平時
乾涸雨水奔注土人呼爲瀉肚河鮑邱河自順義
縣分白河之流入三河縣西南卽入寶坻東未嘗
逕通州復入縣境其逕通州者爲窩陀河乃鮑邱
河之分支雍正四年開鑿以成者也方輿紀要謂
鮑邱河自密雲流逕通州東境米莊村又流逕縣
界未審所謂又鮑邱水卽潮河濫餘水卽濕餘水

二水自別明史地理志混而爲一非也

又東南流入寶坻縣北境又東南流逕王甫營則有窩頭河之水自西來注之

畿輔通志鮑邱河東逕縣北齊河務蕭堦家東南

至王補莊

卽王甫莊

與窩頭河會

謹案鮑邱河自寶坻縣西北境韓各莊東南流逕牛頭口大苑莊王補莊長五十六里窩頭河一名窩陀河又名蒼頭河亦曰渠水俗名箭桿河首起

順義縣牛欄山東麓金雞堂卽古鮑邱水故道也
南流入通州西北境之阻溝俗又謂之澗澗河又
南流逕烟郊

行宮西

三河縣志箭桿河自通州烟郊石橋交界起由城子莊西北至半壁店出境入香河縣界其水

歸入百家灣入寶坻縣境 又南流入三
志一燕郊店亦曰烟郊在通州東十里

河縣城子莊又南流逕半壁店又南流復入縣境
窩頭村東有窩頭廟

聖祖仁皇帝駕幸觀魚處也又流繞四宮又南流逕東義村

屈曲流入香河縣爲尹家河又南流逕沙務頭屈

東流逕北吳村則有駱駝港河入之又東南流逕

城北之百家灣

二統志蒼頭河縣西北二十里舊志相傳卽蕭后運糧河水泛則下

通牛欄山水窩頭莊水下通三路隄口一由李家園坑隄口入北吳村一由明星堂隄口入廿十八

隄口一由東凌莊尹家河沙務莊張灰店南吳村牛家屯入板簪口河今名窩頭河本無來源伏秋

水發衆流會於窩頭逕香河縣百家灣東與渠水合其百家灣在縣北五里形如半月深不可測略

駱港河在香河縣北八里源出三河縣兔兒山北吳村南流入蒲池河名勝志靈山又十五里爲

華山一名兔山爲香河縣駱駝港之源香河縣志百家灣城北五里水無源四時不竭東流入海

水泛則甘十八里北吳村口兩水會程家新莊入
灣下經戴家莊入蒲池河長二里許

謹案窩頭

河自順義縣之金雞堂南經一河入通州北境之
牛家鋪東南流逕都各莊朱家店趙辛莊烟郊入
三河縣城于東半壁官窩頭村辛莊康家莊而環
繞西官又南流逕宋家莊屈曲流逕東義村入香
河縣界屈曲流復入縣境侯各莊屈南流入香河
縣爲尹家河又南流逕沙務頭南抵橋兒上爲北
運河其水中斷自沙務頭東又東南流逕縣城東
出爲北吳村長六十餘里

名香河

畿輔通志香河在縣東里許俗名
長溝其水微有香氣縣因以名

又東南

流逕縣東北

香河縣志香河一道上接通州窩頭
河至縣境蒼頭店東百家灣又東逕

漁陽院入寶坻縣境
謹案河自縣西北沙務頭
逕百家灣川家莊又東流出安瀾雙惠青龍三橋

下又東流逕七里莊化緣莊又東南流入寶坻縣
抵漁陽院出境長六十里

西北境之黃家莊又東流逕榮各莊又東流入縣

城穿城南出（一統志乾隆七年知縣洪肇濬濬城河內城河本渠河之東流自城東北

隅開源水門入由武曲橋至文昌閣逕文明橋折而西抵階升橋入泮池由池東出漱潤橋過雲津

橋西南注逕通津橋出城南節流門蜿蜒曲折約長二里許外城河四週約長六里許廣十餘丈舊

有堤埝其袁公壩以上即渠河故道也自朱家舖朝霞寺至西鄆寺莊抵洪福寺由平政橋接入城

河計長四十里出節流門東南注經韓家橋至南鄆等莊由南石等橋會入窩頭河又東南

流逕王補莊與鮑邱河合寶坻縣志渠河一名渠水即窩頭河也自香河

縣蒲石河東注逕流城池由開源水關入城出節
流水關繞翼百里至八門城會潮河入海雍正四
年新開截灣取直曰城南而行起百家灣至八門
城計長九十五里此水本無源伏秋衆水會於窩
頭逕香河縣百家灣東與渠水合流東逕七里莊
入寶坻縣界東過城南之西石橋至王補莊與鮑
邱河會雍正四年濬之起百家灣至八門城計長
九十五里時議堵七里莊明口一節以汎發流注
寶邑輒淹東北村莊也 羅案河起寶坻西北逕
黃家莊南榮各莊北又逕王家莊頭南黑豆窩北
而東北流穿縣城南與鮑邱河合長九十里又蒲
石河亦作蒲池河卽渠河自百家灣東北流經縣
北至縣東三十里匯爲七里莊河入寶
坻縣界會鮑邱河蓋一水而異名也

又東南流逕龍虎莊又東南流逕張司馬莊又東南

流逕林齊口又東南流逕王山莊又東南流逕郭家莊又東南流抵寬江村南八門城北則有抽針河之水自西來入之東南流合於洶河

畿輔通志鮑邱河過林齊口張家莊至周家莊東南逕尹家莊又東由八門城入薊運河八門城河在寶坻縣東南七十里潮水逆注受其灌溉者有七十二沽居民利之鮑邱窩頭二河原無恒流上受通州三河雨潦之水泛濫南下下流淤塞斷續

無路消洩香河首受其浸而寶坻地形如釜爲害尤劇雍正四年怡賢親王奏請疏通窩頭河自百家灣起鮑邱河魚樁止分道挑挖或循舊流或取直逕繞縣之南北皆會於王補莊其八門城出口河身淺窄紆曲乃自林齊口別開直河一道至尹家莊寬江入薊運河寬深暢利數年以來香河寶坻田疇高下皆稔 寶坻縣志海濱鄉所轄里曰慈恩東南界玉田其東爲林齊口蓋巨鎮也縣東

南四十里寬江莊縣東南五十九里八門城河卽
湖河之支流而渠河之下口縣東南六十里

〔謹案抽針河俗名古蕭后運糧河或云要兒渡口
漫汜以成者也首起寶坻縣西南桔槔窪東流逕
西寨白家莊東寨抽針口因名計二十里又東流
逕窩子莊大口屯菜園戶牛家排樹兒窩護路莊
趙家灣趙家排李子沽田家橋羊馬頭侯家臺苑
洪橋黃莊梁家沽木扎營郭家莊八門城至寬江

與鮑邱窩頭二河入於洵河長九十八里雍正四年開乾隆十一年修濬而寬三丈底寬一丈深三四五六尺不等上游可以宣洩西南瀝水下游東南各村均藉飲汲抽針亦作繡針寶坻縣志自繡針口起至梁家沽入八門城大河計長八十餘里雍正八年就青龍灣引河工程內挑濬一又案鮑邱河自王甫莊下與窩頭河會東南至寬江村入於洵河長五十餘里

洶河發源薊州黃崖口外名黃崖川古廣漠川也俗名頭道河南流入黃崖關

〔水經注〕鮑邱水自雍奴縣故城西北舊分笥溝水東出今笥溝斷衆流東注混同一瀆東逕其縣北又東與洶河合水出右北平無終縣西山白楊谷

〔隋書地理志〕漁陽郡無終縣有洶河 〔明史地理志〕薊州西北有盤山洶水在北 〔方輿紀要〕洶水一名廣漠川在薊州北四十里發源黃崖口一

支西流逕盤山之陰一支東南流逕盤水之陽盤山在薊州西北二十五里一名盤龍山志云山高二千仞周百餘里勢磅礴而盤桓因名圖經云南距滄海西盡洵水東放碣石其前高者曰上盤上有二龍潭下有潮井又有澤鉢泉稍下者曰中盤東行十餘里蔚然深秀怪石突兀沿石竇爲沙河畿輔通志洵河源出口外黃崖關在薊州北四十里 薊州志洵河乃州之西境也其源卽黃崖

川一名廣漠川在州北三十五里俗稱爲頭道河
源出塞外從黃涯關之東流入歷中營下營西流
逕盤山之陰 〔宋〕肇盤山志盤山舊名四正山
又西南流逕平谷縣南舊有獨樂河合馬莊河逆流
河盤山水入之

永經注獨樂水出北抱犢固南逕平谷縣故城東
南流入於洵洵水又東合盤山水水出山上去山
三十里許望山止水可高二十餘里素湍皓然頽

波厯谿沿流而下自西北轉注於洵水 明史地
理志薊州平谷東南有洵河 畿輔通志馬莊河
在平谷縣東三里源山縣東北海子莊南流入縣
之洵河逆流河在縣南八里源出泉水山西流九
十九曲入洵河一名小碾河 一統志盤山水在
薊州東舊志今有沙河在州西二十五里源出盤
山流逕沙嶺之麓東南會五里河入沽河蓋明成
化間盤山水發始潰流而東南入沽河也

謹案盤山之水自西北以屈西南皆洶水所纏絡其水無名故道元以盤山水目之洶河歷盤山之陰而左合盤山之水蓋由西折南也其水泉源不一大抵東入庚水西入洶水一出州西北五十里大嶺南流逕白澗汛一自正西三河縣東二十里之段家嶺流逕州西三十里之邦均店索家汛合流爲沙河入於洶河今有水道斷續不常蓋爲流沙所淤沙河出於沙嶺在盤山下正洶水所合其

決入於陽則始於明成化年陽河在薊州城西五里去盤山較遠非盤陰之水也又五百溝水據水經注叙於會御河之後紀要以馬莊河與獨樂河與五百溝水合流入洵非也 又案獨樂河自薊

州交界并兒峪流入平谷縣東之董家菴又西流

逕酸棗峪三泉寺南則有三泉水注之

泉在縣東北三十里

雞足山

又西流逕上馬各莊南海子莊北至獨樂村

北其水流入地中西至灤津莊復出西流逕後龍

泉莊迤南流潭下紫塞馬各莊而縣東門外屈西南流至縣治東南隅則有龍家務楊各莊一小水合流注之又西南流逕寺渠莊東鹿角西鹿角出境入三河縣之青陽屯長五十六里釋智樸四正山居志獨樂水在平谷縣之東盤山之北谷呼獨漏河以其水至此伏流今平谷縣東獨樂村洵河逕其南至此伏復出瀝津莊則是在酈道元當日自有獨樂河水入於洵河而今則卽以洵水爲獨

樂河矣獨樂村之北有龍王廟水泉寺二水流入
洶河但其下流已斷則正與道元所指之方位合
豈卽其故迹耶 又案山水人物辨譌云酈註冬
舛迂鮑邱水云其水又東與洶河合水出右北平
無終縣西山白楊谷西北流逕平谷縣屈西南流
獨樂水入焉水出北抱犢固南逕平谷縣故城東
其水南流入於洶洶水又東左合盤山水今以盤
山之形勢論之盤山東南四十里爲薊州百二十

里爲玉田卽古無終縣也西南七十里爲三河卽
古臨洶縣也西北四十里爲平谷疑田疇燹操破
烏丸之平岡界也然護山之水其源出黃崖口一
名廣漠川黃崖去薊北四十里水分爲二一脉西
南流逕盤山之陰爲獨樂河溯流之平谷靈山泉
水注之入三河爲洶水過草橋河匯盤山左去之
水至三义口入寶坻縣之白龍港

方輿紀要一脉
此處亦誤

東南流逕薊南五里橋匯盤山右去之水入潞流

河二水皆自北而南屈而東無終適當其東南而
酈註以爲無終西川之水流逕平谷至無終相去
百六十里中有盤山間隔豈有無終東南之水而
反流入平谷之西北耶况無終之西無山田疇傳
云濱海洿下潭滯不通指此地也又平谷縣屈西
南流獨樂水入焉然獨樂之水在縣之東盤之北
俗呼獨漏河以其水至此伏流里許復涌出故名
而酈註反以爲在其西南何歟又方輿紀要云洶

河在平谷縣東南自薊州流入界又南入三河按
平谷在盤山西北四周皆山古名盤陰去薊東南
八十里豈有薊水而反流入平谷耶此皆支離蔓
引幾不可考其論甚辨據方輿紀要盤山在薊州
西北二十五里黃崖峪關在州北四十里洵水發
源黃崖口西南流逕盤山而玉田爲漢無終治在
州東南八十里薊州爲漢漁陽郡治水經注不近
證漁陽郡而遠指無終縣誠有不可解者意無終

在後魏屬漁陽郡而無終子國在春秋時已有之
最爲近古而薊西之山連綿不絕盤踞最遠故直
以薊西之山爲無終西山耳辨譌一以爲無終東
南之水不應反流入平谷之西北又以薊水不應
反流入平谷似太拘泥今洵河正到薊州之北入
平谷之西南水道千百年以來未之有改也若其
所謂護山之水源出黃厓口此卽洵河之源乃云
水分爲二西南流逕盤山之陰爲獨樂河則是獨

樂河卽洵水矣又云一脈東流逕薊南五里橋滙
盤山右去之水則今之流沙陽泉及淋河之流也
然洵水本不分二惟有一支西南流歷盤山之陰
過三河縣寶坻縣乃與薊州東諸水合流樸蓋惑
於薊州志方輿紀要而誤也至以方輿紀要山陰
之水爲洵水山陽之水過三义口入寶坻之白龍
港爲誤則紀要誠非也

又南流逕三河縣東北境則有周村河合石河顧現

河芮家營之水自西來注之卽洳河也名之曰洳口俗又謂之錯河

永經注洳水又東南逕平谷縣故城東南與洳河會水出北山山在僂奚縣故城東南東南流逕博陸故城北又川逕其城東又東南流逕平谷縣故城西而東南流注於渠洳河〔隋書地理志〕漁陽郡有洳河〔明史地理志〕薊州平谷東南又有洳河〔方輿紀要〕在平谷縣東南五里源出密雲縣

石戕山流逕縣境又西南流入三河縣界縣西十
里有周村河源出口外下流入泃河泃河至縣東
南入洵河嘉靖中俺答等曾營於孤山泃口卽泃
河之口也 三河縣志泃河卽錯河自平谷縣交
青陽屯入三河境環城北由東南下至料馬莊寶
坻縣交界止計長九十里由寶坻白龍港歸入薊
運河源遠流長寬深無滯石河自胡家營懷柔縣
界起由興隆莊至中橋分爲二股入平谷方廣莊

合爲一道匯入洳河顧現河在縣西北三十五里
自後窪子里龍王廟下泉源起由顧現北石渠狹
城入洳河芮家營河自本境古莊起始有溝渠漫
地水歸由石莊橋至芮家營入周村平谷界中

謹案石河顧現河其上源出平谷縣之半髻山山
去胡家營十五里南流楊家谷又南流至白谷莊
則有蓮花潭之水匯之蓮花潭亦在平谷縣西南
其水自三河縣西北之埝頭村入境逕平谷縣西

城子莊合入周村河其芮家營河卽出薊州殷家嶺大嶺之沙河也沙河在明成化間盤山水發橫流而東合沽河故志以此河爲起縣境官莊西流入周村河卽泲河矣今惟流沙漫衍而橋道猶存蓋夏秋水漲則山水橫決入之亦卽古周村河所行之道也又平谷縣有普現屯井泉水溢出地上灌溉稻田三十餘畝歸入錯河長十餘里此井縣志不載 又案泲河源流久已失考而其水道亦

無形迹方輿紀要以爲出密雲縣東之石炭山水
經注以爲北山在僊奚縣故城東南漢僊奚故城
一統志在密雲縣東北口外獮平城東魏書地形
志密雲郡皇始二年治提攜城卽僊奚也則是紀
要之石炭山當卽水經注之北山也第據紀要所
云則周村河爲入洳河之水另是一河且以爲出
口外而不言所在畿輔通志因之惟一說志以爲
周村河卽洳河云洳河在平谷縣西南流至三河

縣界入洵河明統志以爲經三河縣東南平谷故城入洵河舊志今有周村河在平谷縣西十里源出口外南流入洵之處曰洑口在三河縣北五里考洑河出密雲口外周村河亦出口外古惟有洑河不聞有周村河周村在平谷三河二縣界中豈有源出口外而一無名之水足以當之或周村河爲洑河之支流今平谷南有小水足資灌溉見於志蓋亦周村之類也又縣志錯河之名祇循俗

稱乃以爲卽七渡水又名黃頌水則更非矣七渡水卽黃頌水在昌平州北一百里源出口外自二道關入口東南流逕黃家鎮至牛欄山麓入白河豈能東越二三百里外來入洶河之理乃俗傳以爲洶河之源至其所敘水道自平谷歷三河至寶坻歸白龍港卽是洶河水道牽混不足據也

又南流逕紆城東則有五百溝水靈山泉水東流注之

水經注 洵河又南逕絳城東而南合五百溝水水出七山北東逕平谷縣之絳城南東入於洵河

二統志絳城在三河縣西北舊志今有英城在城西北三十里卽絳城之訛也 薊州志洵河紆回

曲折而至平谷縣東合五百溝諸水 平谷縣志

靈泉在平谷縣東北二十里源出靈泉山下其水

灌漑田園人多賴其利

謹案絳城水經注作絳訛作絳又訛爲英三河縣

志遂以爲元耶律英公之城更誤矣一統志但記
縵城而水道無聞焉七山亦不知其處方輿紀要
引平谷縣志云東十里有馬莊河源出縣東北海
子與縣東北三十里獨樂河及縣境之五百溝河
猶秦河俱合流入於洵河核其實則無徵也或以
五百溝水爲今香河縣之駱駝河亦未知是否又
畿輔通志小河在三河縣北十五里源出靈山西
流入洵河名勝志靈山華山聖水山駝山俱在縣

北靈山在縣北十五里三而出泉三河縣志靈山之麓三面有泉或從石竇或自沙眼積流成溪則是靈泉亦卽爲小河而所出不止一泉也

又南流逕縣城東

二統志洵河又折東逕縣東舊志逕縣北折而東繞城東北二面

縣南三里有臨渠城唐時有渠河塘卽洵河也

唐書地理志漁陽郡三河開元四年析路縣置北

十三里有渠河塘 方輿紀要臨洺城在三河縣
南石趙所置以臨洺水而名亦曰臨渠城 二統
志唐置臨洺縣開元中改置三河縣以地近洺如
鮑邱三水而名

謹案方輿紀要以渠河卽洺河之訛考水經注云
洺水又東合泉州渠口故瀆又引魏志曹太祖以
蹋頓擾邊將征之從洺口鑿渠逕雍奴泉州以通
三河則縣因洺而得名渠亦因鑿洺而得名通鑑

晉永和六年燕王儁使慕容暉將兵伐趙會於臨渠則固有渠河矣胡三省通鑑注臨渠縣城臨洶渠是也又水經注云洶水又東南流逕平谷縣故城西而東南流注於渠洶河則是洶河又有渠洶河之一稱洶渠卽渠洶不過一顛倒其字耳又臨洶唐縣非漢縣遼史地理志誤以三河爲漢臨洶縣地清類天文分野因之非也又水經注洶河又東南逕臨河城蓋臨於洶河之城也方輿紀要三

河縣以地近七渡鮑邱臨河三水而名則又以臨
爲河名矣或謂紀要本作臨洶臨洶者臨此洶水
也臨洶亦非水名也又以七渡水卽黃頌水自順
義縣黃頌谷流逕縣界下流入於白河亦非也七
渡水詳見白河又紀要引唐志縣北十二里有渠
河塘蓋卽舊城而言今城南五里名曰南塘有地
十餘頃作爲溝渠一道通入錯河長六里餘疑卽
渠河塘也

又南流逕石碑鋪直縣治東南隅有水注之蓋錯河之分支俗稱七渡河水非也

謹案此水中已斷流遇雨則自縣西北蔡管營起東南流逕周四家莊又東南流逕查馬房又東南流逕定福莊至縣城南入於洵河

又東南流逕四河村又東南流逕料馬房入寶坻縣白龍港則有沽河水自北來合之

謹案三河縣東北境接平谷縣西南界洵河首起

青陽屯栢家店東南流逕果各莊英城馬房至孟
各莊西則有靈山泉水注之屈南流逕縣北折而
東又南流逕二百戶燕兒口直縣治東南隅則有
錯河支分水注之又南流逕石碑舖侯各莊王各
莊泗河利胡家莊迤東南流逕料馬莊入寶坻縣
境其長九十里自縣東北又東南流起自新集鎮
流逕縣城北曰三义口方輿紀要云洵水過三义
口入寶坻縣之白龍港是也但不以屬之盤山之

陰而屬之盤山陽非也

一統志洵河又南至寶坻縣東北界合薊運河舊志

又東至寶坻縣界入鮑邱河俗亦名洵河又名草橋河至寶坻縣又名白龍港皆卽洵河之異名也

薊州志自金河屯與三河縣境接壤東南流至嘴頭莊合沽河入白龍港水路七十四里

又案洵河見水經注本非俗稱其水於平谷三河

二縣之交爲周村河已入於洵河不得以下流洵

河之正支反易爲洵今世俗以洵水入洵爲錯河

竟以洵河之正流而易稱之且又以三河城西錯

河之東流俗名七渡水者爲洵河誤甚矣當從一

統志爲是

沽河古庚水亦謂之溷水一名雲溷水亦曰梨河以下流入沽故名沽河或以爲林河音訛而爲梨或以爲唐水庚水俗又謂之還鄉河皆非也

漢書地理志右北平郡無終溷水西至雍奴入海過郡二行六百五十里師古曰溷音庚卽下所云入庚者同一水也 二統志沽河源出遵化縣東界曰梨河卽古溷水也 方輿紀要溷水或云雲

湧水

水經注鮑邱水又東湧水注之

謹案畿輔通志淋河卽梨河淋梨二字音相似今遂誤爲淋河又云湧水卽古庚水亦名庾水還鄉河卽湧水在豐潤縣北俗名爲還鄉河又方輿紀要庾水卽豐潤之湧水湧水一名還鄉河玉田縣志唐水源出無終山南考淋河與梨河自是二水唐水庾水乃庚之誤水經注或訛庚作庾庾庚互見非一水二名也還鄉河又是一水一統志云舊

志以玉田縣之還鄉河爲庚水沽河謂澶水今以
水經注考之沽河卽庚水還鄉河乃巨梁水遵化
州之沙河蓋澗水也是也

源出遷安縣界之鹿兒嶺

永經注庚水石北平徐無縣北塞中而南流歷徐

無山謹案此卽遷安之鹿兒嶺也永平府志景山其陰爲鹿

兒嶺其外爲長城嶺諸山近川自鹿兒嶺西流入

遵化 遵化州志梨河源出遷安縣界鹿兒嶺

二統志鹿兒嶺在遷安縣西一百二十里亦名蘆

兒嶺

謹案方輿紀要引舊志或說云梨河出灤州遷安固近灤州而非卽灤州之所得而該也

西流入遵化州東境則有大水峪小水峪之水自北來注之又西流則有松棚河水自北來注之

謹案大水峪水在遵化州東北其西有小水峪松棚河源出州東北五十里之松棚峪俱南流入梨

河

又西流則有三小泉南北夾注之又西流則有雙泉寺水自東南來注之

方輿紀要碣山在平谷縣東五十里志云縣南八里又有泉水山泉流入河民賴灌溉畿輔通志碣山在平谷縣東北四十里上有雙泉寺

謹案雙泉寺河在遵化州東南雙泉寺折北流逕田家莊又北流逕大寨注於梨河

又西流逕龍潭又西流逕牛門口

明史地理志薊州遵化南有龍門峽西南有梨河
二統志梨河西南流逕遵化州南龍門峽在州
南十里其山上合下開開處高六丈許水自懸崖
傾瀉而下穿石成井奔盪之音轟然若雷 方輿
紀要南龍山在遵化縣南八里其北有北龍山兩
山相望蜿蜒如龍

謹案水經注庚水南流歷徐無山一統志云山在

遵化州西水經注其水又逕徐無縣故城東一統
志云城在遵化州西漢置後周省入無終唐始置
遵化縣方輿紀要徐無山在玉田縣東北二十五
里徐無城在縣東遵化玉田本相接壤水起遵化
州之東卽厯徐無山則徐無山之在遵化明矣而
紀要以爲在玉田縣東北二十五里蓋其山橫亘
州縣界中昔田疇居此合衆千家則固非隘狹
可知故紀要亦云其山綿延深廣大泉小泉二山

卽徐無之別阜無終亦徐無之支隴斯爲可據無
名之水三似卽水經注之黑牛谷沙谷周盧溪之
水今不可考矣又龍門峽非龍門縣之龍門峽獨
固門因南北兩龍山得名梨河出其峽名勝志以
爲獨固門一名龍門一統志引名勝志刪去此三
字是也獨固門見水經注沽河篇是出獨石口外
之沽水流逕龍門縣之龍門峽者也乃因梨河亦
有沽水之稱紀要亦因之直移沽水篇文於此謂

龍門峽一名獨固門憑藉險阻踈近皆門故名遂以遵化州之龍門峽與龍門縣之龍門峽混而爲一非矣

又西流逕蔣家莊迤西南流則有南崗之水自北來注之

謹案南崗水發源遵化州西南之南崗南流逕王各莊李家莊入梨河

折西流逕李家莊又西流逕賈家莊又西流逕水門

口而西曰合河則有沙河合諸水自水門口注之
沙河在遵化州西古灋水也以其出自口外諸山谷
中衆水所滙故名十河

漢書地理志右北平郡俊靡灋水南至無終東入

庚師古曰灋力水反音卽賄反

謹案灋與灋潔灋俱有別辨見前

永經注庚水又西南灋水注之水出右北平俊

靡縣王莽之俊麻也世謂之車輦水隋書地理

志漁陽郡有庚水有灋水二統志俊靡故城遵

化州西北沙河在遵化州西源出州北凡十派一支自山寨峪一支自千家峪一支自白棗峪一支自馬蹄峪一支自羅文峪總名十河會流而南
畿輔通志灤水在遵化州西北十河在遵化州東北十里源出口外合衆流而南經州東又西南入梨河羅文峪關在遵化州北十里

折東流又屈西逕藥王廟西又西南流逕州城南關環城爲濠又西南流逕十里鋪又西南流出水門口

爲水門口河則有湯河馬蘭峪河大安口河冷嘴口
河清水河五里河入之口外爲石門峽灋水所從出
也

水經注灋水又東南逕石門峽山之高嶄絕壁立
洞開俗謂之石門口 二統志沙河逕州西至州
西南水門口合諸水入梨河 畿輔通志水門口
河在遵化州西南三十里兩山之門九河之匯懸
岸而下

謹案湯河卽水經注之溫泉水也

水經注溫水又東南流與溫泉

水合水出北山谿卽溫泉也魏氏土地記曰徐無城東有溫湯卽此也其水南流百步復伏流于地

下水盛則通有魏家河發源鮎魚口外南流合馬

注於溫水
蘭峪水方輿紀要湯河出鮎魚口關馬蘭峪關東第二口也一統志魏家河在遵化州西

北五十里源出鮎魚關外南流合湯河湯河在遵化州西五十里源在口外自馬蘭峪關流入南流

至冰門口會沙河入梨河馬蘭峪在遵化州西北寬田峪東謹案馬蘭峪河自口外流逕遵化州

繞皇陵之左下合湯河又馬蘭峪關有小水流注湯河湯河以泉得名泉在鮎魚關內東側

與關外之水合流成河關外之水由寬田峪東發源東流逕馬蘭峪關外又東流入鮎魚關南與湯

河會似卽一統志之魏家河矣下與興龍口河相通東折而注于水門口河入于合河長六十四里

又東折合流逕紀各莊入水門口河因東有湯泉

二統志湯泉在遵化州西北四十里福泉寺山下寬平約半畝泉水沸出隆冬如湯統名之

曰湯河二統志水經注灋水西南入庚今沙河與湯河合卽古灋水也舊志以沽河爲灋水

非大安口河源出大安口關外南流逕堡子店又

南流至紀各莊入水門口河長四十四里二統志大安口

關在遵化州西北三里鮎魚關謹案此河一統志不載冷嘴河源出冷嘴

頭南流合沙河長五十里二統志冷嘴頭河在遵化縣西北二十五里

出口外自冷嘴頭口流入經州西入沙河大安口
東有冷嘴頭堡 畿輔通志在州西北二十五里

入張子河 清水河源出道溝峪自沙坡峪流入南流合

沙河長五十八里 方輿紀要清水河在大安口東 畿輔通志在州西六里源出

道溝峪逕州西南入水門口又西入張子河 謹案清水河東又有木河出占匣口西南流匯清水

與冷嘴河合入梨河 此水諸志所不載 五里河源出口外自一片石

谷口流入逕遵化州西合於沙河長六十里 名勝志遵

化縣北有五里河自一片石谷口流坡谷間數里
始合沽河 謹案五里河以經過州城西關外五

里得名是其水道當由此矣而今於下流卽入沙
河所行不遠豈古今水道有遷移歟方輿紀要以

爲或謂之沙河又以爲經沙坡峪至縣西南考是
河既與沙河合卽以名之而實非也且亦不經沙
坡峪又陽河亦曰五里河在薊州治西紀要亦以
彼河爲出遵化州蘆兒口牽混爲一亦非也又水
經注庚水南流歷徐無山得黑牛峪水又得沙峪
水二水已無考或以爲卽黑馬泉水出薊州城北
崆峒山逕城南合五里河今泗據諸志崆峒山卽
翁同山之訛無終山一名翁同山水經注叙庚水
歷徐無山不云無終澤水逕無終又不叙黑牛谷
如以爲合五里河則當爲遵化之五里河而不在
薊州明矣卽以無終爲徐無之支隴而水經注記
種玉事于無終之下云春秋之末爰宅無終其碑
文云居於縣北六十里翁同之山則翁同亦爲無
終非徐無也乃以黃帝問道之崆峒與徐翁種玉
之翁同以音近而混爲一可乎且黑馬泉定是俗
稱未知何據以馬爲牛亦可笑也古水之無考多

矣缺之
可耳

又西南流折南逕柳貫莊西南下合於梨河曰合河
謹案沙河十河逕遵化城出水門口又流逕埝頭
莊紀各莊入沽河長六十八里

又西流逕蒼山鎮又西流逕孫家樓又西流逕張子
村曰張子河則興龍口河入焉

畿輔通志蒼山遵化縣西六十五里梨河及諸水
滙流於山前興龍口河在州西北六十里天臺水

所滙流也南流亦入張子河 遼化縣志梨河西
流入州境至州西南七十里與諸水合名曰合河
一名張子河

謹案興龍口河源出遵化州寬田峪繞

皇陵之右下逕興龍口西金星山東麓而南注于合河

有淋河之水自馬伸橋北來注之自發源至此長一
百一十里

謹案淋河卽水經注之藍水也

水經注藍水出北
山東屈而南流逕

無終縣故城東其其上源合寬田峪之水昌瑞山

水又南入灤水在遵化州西北七十里本名豐臺嶺孝陵
在其山麓賜名鳳臺山康熙二年又

崇封為昌瑞山昭西陵孝東陵

景陵皆在焉寬田峪乃山右之谷名也

南流為淋河亦曰金泉河其源又自薊州東北平

地泉流入遵化州西北境東流與興龍口河會又

南流逕韋家務又南流逕薊州新城又南流逕淋

河莊又南流逕馬家崖入於梨河一統志金泉河在遵化州西源

出馬蘭關西南流至薊州東馬伸橋入梨河亦曰淋河水經注藍水入灤水疑卽此舊志謂淋河卽

梨河之訛非是馬仲橋鎮在薊州東二十五里
方輿紀要薊州城北有金泉河平地泉湧流爲馬

仲河 諸案此河在薊州之東北境入遵化州之
西北境與興隆口河合流不出馬蘭峪也薊州志

以爲出遵化北山谷中又云出藥州界畿輔通志
以爲淋河卽梨河此河本名梨河因淋梨二字音

相似今遂誤爲淋河州志又因之蓋因方輿紀要
乎遵化下祇載梨河無淋河故以爲音近而訛皆

非也淋河在遵化州西北梨河在遵化州東北淋
河源近而流短梨河源遠而流長方位既差名稱

亦別志以爲淋河出藥州則全襲紀要梨河之誤
梨河且不得謂之出藥州况淋河非梨河耶一統

志正之是也又一統志謂疑卽水經注之藍水考
薊州東南有藍泉河發源北坨子寺山亦名藍泉

山下流爲采亭河以水有藍色而得名去薊治遠
甚今淋河流入薊城東之馬仲橋與水經注南經

無終故城東入潞水之文合則是矣彼
藍泉水乃後起之名不足以涸古水也

西南與玉田縣分水

明史地理志薊州玉田東有梨河 方輿紀要梨

河在玉田縣東二十里自遵化縣南流逕縣境又
南入寶坻縣界縣之東境諸水多流入焉

又西流入薊州東南境之南三岔口則有黑泉水注
之

謹案黑泉水在薊州東三十里蘇家莊之北平地

出泉南流至馬仲橋入于梨河長三十里

又西流逕六百戶莊于家橋楊各莊十百戶莊則有
老廟泉下莊泉高家窪泉桃花山泉神仙泉水注之
鄆州志老廟泉源出沽河南岸玉田縣境內之李
家莊西北流至六百戶莊入沽河下莊泉在州東
十三里大屯莊之東南流至下楊各莊入沽河高
家窪泉在州東六里毛家莊南南流至干家橋入
沽河神仙泉在州東南十五里龍虎莊東東北流

至十百戶莊入沽河 一名勝志漁陽有桃花山山頂有泉流遶山麓入洵河泉上有桃花寺自此十里沽河草橋諸水匯焉 長安客話桃花山在薊州南一舍今城東別有桃花山桃花寺寺旁亦有泉遶山而下清淺可愛

謹案桃花山不在薊州城南泉出山下流逕楊各莊入沽河長十五里山在薊州城東與州治甚近薊州志云十八里是也方輿紀要以爲西南六十

里遠矣且亦不在河南境山下有濠門古戍所也
又曰下舊聞引遵化縣志桃花山在縣南二十五
里層峯疊嶂上有桃樹其顛有塏山下聖水泉旁
有石室當別是一山魏書地形志漁陽郡漁陽二
漢屬晉龍後復有漁陽城安樂城桃花山則密雲
縣之山也恐隋移漁陽之號於無終而山亦因之
而指實也

又西流逕館驛前直薊城南五里名之曰沽河

方輿紀要沽河在薊州南五里自陽河以西洶水
以東諸水皆入焉其下流經新開河至直沽達於
海漕運溯流而上直抵城南通典漁陽有鮑邱水
又名潞水卽沽水矣水經注鮑邱水從塞外東南
過漁陽縣東志云沽水一名西潞水一名東潞水
或曰在通州東者曰西潞水在薊州南者曰東潞
水下流皆合於寶坻縣亦兼有鮑邱水之名 二
統志沽河州南五里河東接遵化玉田交界處入

新寧縣志
境迤西而行至州南紀家窩轉而南行至下倉莊
轉而西南行至嘴頭莊與洵河合流轉而東南行
由白龍港至曹家口頭莊接玉田寶坻界南流至
北塘入於海其在蒯境之內紆回二百餘里凡遵
化蘆兒嶺迤西洵河迤東諸水皆入於沽河明時
從此歲運糧三百六十餘艘至州南紀家窩明季
廢河漸淤塞

國朝重濬

謹案梨河爲水經注之庚水水經注曰世謂之車
輦水又曰世亦謂之爲柘水也並無沽水之一稱
沽水篇沽有東潞西潞之目沽水又南左會鮑邱
水世所謂東潞也又鮑邱水入潞通得鮑邱之稱
則似鮑邱水潞河皆可以云沽河而庚水則不可
以云沽也庚水之爲沽河未詳所自蓋因鮑邱水
合下流爲沽河遂以下流之名移而被之上源也
諸志沿後起之稱遂致移沽水篇文屬之犂混謬

誤所自來也方輿總要分晰頗明一統志謂遵化
蘆兒嶺迤西洶河迤東諸水皆入於沽河則是以
沽河爲下流矣若以蘆兒嶺爲沽河之源是沽河
入沽河矣可乎

則有陽河合白馬泉西來注之折南流迺五里橋下

謹案陽河在薊州城西北隅陽泉白馬泉滙流而

成者也源出薊州西五里五名山鵝毛臺

薊州志
五名山

一名興隆山
在城西五里

東南流迺五里橋名五里河花園泉

遂家泉合焉

薊州志花園泉在陽泉西南東流至西五里橋合陽泉遂家泉在州西二

里上遂家莊西南流至西五里橋合陽泉

亦名西海子又東南流逕東

七園莊入於沽河

方輿紀要陽河在州西五里亦名五里河源出城西鵞毛臺亦

名紙坊山下流入於沽水水性暖遇寒不冰故曰陽河

畿輔通志以爲出州

北蘆兒嶺非也蓋蘆兒嶺在遵化東乃梨河之源

又案龍池河方輿紀要云在薊州城南一名漁

水源自州北蘆兒嶺口流入南合遵化縣之梨河經玉田縣入寶坻縣之白龍港成化間西北盤山

水發始合州境之沙河窑河及五里河並入沽水
薊州圖經漁山在城西北三里高百餘丈周五里
郡在此山之南故曰漁陽水遶山下故曰漁水薊
州志云龍池河一名漁水在州南一里源出鵝毛
臺逶迤三里入沽河陽泉河在州西五里俗名西
海子源出鵝毛臺畿輔通志龍池河在薊州南半
里一名漁水源出州北鵝毛臺下潴爲鵝湖東南
入沽漁山在州西北三十里許據諸說則陽河龍

池河漁水本一水也或又以爲卽白馬泉據薊州志陽泉在州西五里白馬泉在州西北三里漁山之東南從井中湧出西南流至西五里橋合陽泉水入沽河明人成憲白馬泉記云在崆峒之麓山巔有崔府君祠在馬泉源廣丈許深可三四尺而水常以盛夏出歷秋冬始涸則白馬泉別是一泉特與陽泉水合耳泉陽非卽白馬也諸志分龍池河陽泉河爲二而發源則皆出於鵝毛臺紀要則

以陽河爲出鵝毛臺龍池河爲出蘆兒嶺畿輔通志則以陽河爲出蘆兒嶺龍池河出鵝毛臺徒滋惑耳又隋書地理志檀州密雲有漁水括地志漁陽故城在密雲縣南十八里漁水之陽一統志漁水在密雲縣西漁陽故城在密雲縣西南盤山志五名山一名興隆頂一名娘子頂盤山東南十五里漁水出其下紀載厯厯然水經注沽水篇沽水又南漁水注之水出縣東南平地泉流西逕漁陽

故城南考諸地說則無聞所識測

疑誤

考地尋川則

有應氏

疑有脫誤

自今城在斯水之陽有符應說漁陽

之名當屬此是則漁水入沽且不入鮑邱水惟因以梨水爲沽水遂以沽水篇之漁水屬之而漁水又無可尋識遂以龍池河當之皆非確據也又有黑馬泉水薊州志云在州東北四里崆峒山下南流至西七園莊合陽泉或以爲卽黑牛谷水合五里河非也辨見沙河下

又南流逕西河套又南流逕蔡家莊又南流逕澱流
店又南流逕窩頭又南流逕周各莊又南流逕上倉
店東直別山

薊州志澱流店城西百二十里畿輔通志上倉
店鎮在薊州南三十里又南三十里有下倉鎮別
山在薊州東南三十里西臨沽水東據無終雖有
山名而無高阜

又南流逕程子口又南流逕王家淺又南流逕埵頭

莊則有隅頭泉合黑泉黃泉大駝泉排源泉天心泉
景家山龍泉定福泉龍王泉水入之

鄆州志隅頭泉在州東三十八里陳家河莊之北
平地出泉南流至馬伸橋西南流由巨各莊至下
碾頭莊入沽河黑泉在州東二十五里蘇家莊之
北平地出泉東南流至馬伸橋合隅頭泉黃泉在
黑泉之西東南流至馬伸橋合隅頭泉大駝泉在
州東三十六里高家橋莊之北東南流至馬伸橋

合隅頭泉排源泉在州東三十五里馬伸店北西
南流合隅頭泉天心泉在州東三十三里侯家莊
東東南流合隅頭泉景家泉在州東三十三里平
地出泉東流合隅頭泉龍泉在州東北三十里川
力峪北東南流由臺頭南窯舖至巨谷莊合隅頭
泉定泉福在州東三十五里定福莊東西流至荒
各莊合隅頭泉龍王泉在州東二十三里小豪門
山下西南流至荒各莊合隅頭泉

又南流逕消流店又南流逕老曲莊又南流逕楊各莊西對白塢舖又南流逕康各莊又南流逕下倉又南流逕嘴頭莊則限渠泉合盤山泉龍口泉瀑水泉白澗泉沙河溝諸水入之與洵河會于白龍港計自南三岔口至嘴頭莊長一百三十里

〔薊州志〕盤山泉在盤山下南流至限渠莊與限渠泉合同入沽河限渠泉在城西南十六里限渠莊之東北平地有泉湧出南流由興武鎮都賽營陳



家橋等莊至柳子口洪內南出嘴頭莊西入沽河
龍口泉在州西北三十里沙嶺上東南流至肘各
窪合盤山泉同歸限渠泉南流入沽河瀑水泉在
州西三十里源出瀑水莊西北南流合白澗泉白
澗泉在州西四十里源出於盤山之西峪經羅家
峪由哩叭坑南流至捧莊屯合限渠泉流至嘴頭
莊入沽河段家嶺沙河溝水源山白澗迤西諸山
東南流入柳子口

諸案通志以白澗水爲流
以沙澗河考白澗水今已斷流

且夫黨谷峪之沙流河甚遠磬合
段家嶺之沙溝河非沙流河也

沽河洶河既匯于白龍港東流逕柳林口又東流逕
北潭

寶坻縣志北潭在縣東三十里北通薊運南入於
海

又東流逕龐家場又東流逕新安鎮又東流逕高家
莊又東流逕樓家莊折南流逕小河口

玉田縣城南
四十五里

入玉田縣境則有紫金泮水合螺山水采齊橋河水

自東北來注之

謹案紫金泝水卽激溜河也亦謂之陰流河又謂

之遼運河源出薊州城南翠屏山麓

薊州志神山在州東南八

里又名神仙嶺古名翠屏山

南流逕屈家莊又南流逕王杜子

莊

薊州志城東南六十里

則有洞子峪乾沙河水入之又南

流逕二里店別山鎮在其南

薊州志別山鎮在薊州東南三十里屯

政考州西之別山麓夾陰河流

又南流逕扈家莊又南流合石河

梯子山泉入沽河曰小河口

玉田縣志小河口長城南四十里

七十里

蘄州志紫金泚在州南八里長一里餘寬十餘丈水甚深冬夏不竭乃遼運河之故

道也河在州南十里故道出韓家壩八溝莊小漫河馬龍港蒙家園太和莊迷王會至曹家口頭莊合沽河河形故道現存淤塞乃多尚有未盡淤完之處雖值大旱其水不涸迷王會迤下河沿有險梯子山泉在玉田縣界內合玉田之石河諸泉南流山州境胡家樓又南入玉田境至黃土坎流入州境由迷王會合遼運河下梢之水至曹家口頭莊入沽河
玉田縣志石河在城西四十四里

螺山水發源蘄州東南四十里之螺山南與玉田

縣接壤其水出山下東南流合藍泉水河

玉田縣志螺山

城西四十里以形得名下有泉居民灌溉以為利
蘄案水經注沽水又南與羸山之水合水出漁

陽城南小山魏氏土地記曰城南五里有羸山其
水西南入沾水沾水又南逕安樂縣故城東北沾
水卽白河也安樂故城太平寰宇記云在潞縣西
北昌平山水記云在順義縣西北六里方輿紀要
云通州西北漢漁陽郡屬縣潞縣今通州治則
非梨河之所經明矣豈古今水道之變螺山水向
入沾而今乃入梨耶而梨水之爲沾水
與白河之爲沾水則實異而名混矣 藍泉水出

玉川縣西北三樂臺山亦曰藍山非卽水經注之

藍水也辨見淋河

方輿紀要藍水在玉田縣西北
二十里出縣北境三樂臺山西

南流入州南白龍港 燕山叢錄玉田縣西南
北有水其色蔚藍可愛亦曰藍水其土如靛西南

流逕采亭橋爲采亭河又西南流合螺山之水

新唐

書地理志薊州玉田有采亭戍畿輔通志采亭
橋河在玉田縣西二十里源出縣東北三樂臺山
西南流會螺山寺泉玉田縣志采亭橋河下
流淤塞積水害苗知縣繆思成疏通入運河迤

南流逕楊家板橋合小泉水采亭河以戍下名今
訛爲米亭又得州志

清池在城東十五里周一頃水色如藍或卽藍水
之上流河自縣西垞子寺山流逕采亭橋曲河頭
至楊家橋長
八十一里

又東流逕丈二窩則有小泉河水自東北來注之

謹案小泉河出玉田縣東北小泉山舊與大泉山

水合流後大泉水斷惟小泉水一支西南流名勝志外

泉山在玉田縣東北二十五里上有泉出石罅西南流五里合大泉山之水入白龍港方輿紀要

二山卽徐無之別阜矣一統志小泉山在玉田縣東北二十里相近爲大泉山舊亦有泉有

通順橋之水自西來入之卽大泉山水之下流也

又東南逕縣東八里舖合孟家光砂二泉又西南

逕洪橋

亦作鴉鴻橋

名洪橋河

畿輔通志小泉河經城東孟家泉達城南光砂

泉而南匯爲一河入寶坻白龍港灌稻田百有餘頃洪橋河城南十里三泉匯集下通則運河孟家

泉在玉田縣東五里自小泉至孟家泉僅數里凡一百二十餘折而達鴉洪橋光沙泉在玉田縣南

三里泉涌沙出淨細光明土人取以攻玉冬水月中暖氣如霧亦名暖泉又西南流與

藍泉水合

河起小泉山由洪橋馬家營迤邐前至楊家板橋與藍泉水合迤邐至小河口入

蘆運河長

八十里

又屈山南流逕楊家套又南流逕大沽又南流逕畢

家莊又南流逕灘沽莊又南流逕凌眼莊又南流逕

魯沽莊又南流逕石臼窩西縣城南五十五里長亭莊東又

南流逕芝麻窩縣城南六十五里又南流逕寬江村則有鮑

邱河窩頭河水合流自西來注之又南流逕八門城

又南流逕託床沽又南流逕楊家莊又南流逕走線

莊又南流逕張窩頭迤東南流逕盛家莊則有還鄉河
河西岔支入焉又東南流逕寶坻縣屬之豐臺則有
還鄉河東岔支入焉

謹案還鄉河一名環香河

明實錄世宗嘉靖四十五年十月詔濬豐潤縣

環香河 畿輔通志還鄉河俗名環香河 燕山叢錄凡水皆自西而東此水獨西故名還鄉河

詳案遵化薊州之境水之西流者多矣何獨此水名還鄉載考豐潤縣志乃更造爲宋徽宗詩以實

之謬

古巨梁水也世以溷水目之非也

水經注

巨梁水注之水出土垠縣北陳宮山 豐潤縣志豐潤漢爲土垠縣徐無縣屬右北平郡後魏廢郡

治土垠縣今順義之土垠非豐潤土垠也一統志新舊志皆以還鄉河爲泃水今考水經注庚水出徐無北塞中至北平入鮑邱水蓋卽今之薊州沽河也還鄉河在其南與水經注巨梁水合諸志合巨梁而目爲泃水誤源出永平府遷安縣西北黃山麓之

蠶莊

方輿紀要黃山在遷安縣西五十里橫亘十里餘里峻隘可避兵還鄉河在縣西北七十里

滙諸山谿之水流逕縣西一云源在黃山西南流入豐潤縣界成化十七年議者欲於豐潤縣還鄉

河通泃永平是也縣泉莊黃山之麓一泉湧出滙爲方塘澄碧中噴

珠累累西流成河水勢甚駛永平府志黃山在長峯蓮池山有覺院泉甚冽冬溫夏涼出而西行

經崖兒口爲還鄉河源景山西南二十里而五峯山左右龍虎二峯下有唐寺前有天橋川漲常高

數尺至橋必流其下南爲豐潤腰帶山其流入還鄉河還鄉河在遷安縣西北七十里發源蠶莊南一里謹案泉莊卽蠶莊也又志文川漲常高數尺川宇不屬上或作天橋川非也西南流

逕臨河莊又西南流逕井山口又西南逕田家峪

又西南流出崖兒口則有湧泉湖水入之

方輿紀要靈靈

山在遵化縣東南六十里湧泉湖在遵化縣西南湖不甚廣而泉水澄渟不竭崖兒口山在豐潤縣東北八十里其山綿連而中斷東爲崖兒口西爲白霄口有水自崖而入因名謹案湧泉湖水出自湧珠泉在鐵廠北二里湍流成河東流至崖兒口入於還鄉河舊志不言其所出入今考鐵廠在遵化州東南六十里有靈靈山亦在東南六十里則知此泉淵於山下匯而成湖統志云在州南紀

要云在西南計其方位似皆未合又還鄉河在遷安縣界長二十二里臨河莊縣志作林河莊誤也燕山叢錄以湧水目之又云湧出崖兒口亦非也今此水自泉莊西南流出崖兒口其源不出於此

又西南流逕豐潤縣北境歷鶩帶陳宮觀雞諸山

間永經注巨梁水出土垠縣北陳官山西南流逕雞山謂之觀雞水水東有觀雞寺

二統志

鶩帶山在豐潤縣東北八十里還鄉河東山脊有白石一帶望之若白雲橫亘故名其南百餘步有石崖如屋下一竇深尺許泉流其中名曰靈泉陳宮山在豐潤縣北七十里東西綿亘數十里東鄰還鄉河西接黃土嶺南有峯曰華山豐潤縣志觀雞山在縣東北三十里畿輔通志還鄉河至崖兒口入豐潤縣東北界又西逕五峯頭至韓家崖頭迤邐西南流至窪各村

譚案一統志陳宮

山在密雲縣東北一百八十里山下有土垠縣舊址又相近有觀雞山漢土垠縣在今豐潤縣陳官觀雞等山亦在其境密雲之土垠乃後魏時僑置後人誤以爲卽漢縣因指無名之山而謂之陳官觀雞非故蹟也又西南流逕泉河頭又西南流逕其辨甚明晰

東西馬莊繞縣城北迤西南流逕城西張家馬莊

又西南流逕魏各莊又西南流逕七樹莊又西南

流逕曲河頭又西南逕張官莊

畿輔通志還鄉河折而南逕東馬莊

又折而西逕豐潤城北迤邐西南流至張官屯又諸案河自崖兒口至張官莊長一百六十里又

西南流入玉田縣東南境蠻子營

縣城東則有沙四十里

流河之水自北來注之

方輿紀要沙流河在豐潤縣西四十里源出縣西北

五十里之黨峪山下經兩山口入西南道至
鄉河 畿輔通志沙流河流定兩山口又西至

姑嫂橋合還鄉河 詳卷河出至虎口峽又南還李家舖又南流為曲良河入玉田縣屬蠶子

營合還鄉河長八十里方其紀要靈應山在縣西北四十里懸崖壁立岩畔有泉噴流而下注於沙

流河畿輔通志一名書室山相傳韓信曾閱書於此舊志韓信嘗以兵數萬攻燕建幕其下以閱兵

法至今猶存現迹皆有碑水瀾於現迹考史記漢三年冬十月韓王破軍用李左車之計遣辨

士奉書累所長於燕燕從風而靡遣使報漢又西是信並未嘗將兵入燕宜新志斥其為謬也

南流逕崔家莊又西南通運河頭

縣城東三十八里又西

南流逕雅鴻橋

縣城東三十里 畿輔通志 還鄉河逕雅鴻橋至運河頭復折而西

自此河身頓狹斗折蛇形 統志還鄉河至雅鴻橋合梨河

又西南流逕

菴又西南流逕軒湖洵又西南流逕牛壁店

縣南三

又

西南流逕周家灣又西南流逕李家衛

又西南逕邵家莊又西南流逕王六庵又西南流

逕果園又西南流逕窩洛沽

縣城南六十里

又西南流逕

客家營又西南流逕沈家莊又西南流逕高家寺

則有黑龍潭河泥河之水合流自北來入之

黑龍

潭河在豐潤縣南三十里源出縣西南黑馬洶南
流逕豐登務又南流逕呂劍莊又南流逕小楊莊
又南流逕蒲治入南流逕西淮沽爲淮沽河會泥
河入還鄉河長一百里泥河在豐潤縣南二十里
源出東南八里西南流逕泥河莊又西南流逕高
各莊又西南流逕馬各莊又西南流逕唐王莊又
西南流逕三女河又西南流逕魚蝦莊又西南流
逕趙新莊又西南流逕東淮沽又西南流逕西淮
沽入於還鄉河長一百四十里又三女河村鎮之
名也不知何所取義縣志云在城南三十里并載
元末三女投河事則造
作故事志書陋習也 又西南流逕西淮沽縣城

十八里 又西南流逕趙家莊則有雙城河水自北來

入之畿輔通志雙城河在玉田縣東二十五里源出常山旁無隄堰每泛溢爲害明萬厯中縣

令葉重第嘗濬渠引入還鄉河常山又名黃家山

二統志中山在玉田縣東北二十里無終之南

相近曰常山雙城河今久淤 謹案雙城河出玉

川縣黃家山南流逕兩家店又南流逕李官屯迤

西南流逕高邱折南流逕錢家溝又南流至回邊

法入還鄉河西岔口止長一百四十里今見有水

通 豈當日 分爲二名曰雙岔口 截輯通志還鄉

會偶淤地 河至趙官屯分

爲二股 謹案河自張官莊至趙官莊回環曲折

長五十七里乾隆十一年濬還鄉河自客家營起

至高家寺止裁灣俾順流無 一支西逕牛見頭盛

滯長二里五分玉田縣經理

家莊一支東逕厰兒寺豐樂鎮江潢口並入於薊

運河 一統志還鄉河下至薊縣界入薊運河

截輯通志一西南流逕樣子莊牛見頭至盛

家莊入蘄運河一南逕九丈窩豐鎮至江潢口
入蘄運河

謹案西舍河合縣屬雙城河至寶坻

縣盛家莊長十六里東舍河合縣屬淮沽河至寶
坻縣豐臺鎮抵寧河縣江潢口長十八里並入蘄

運河明統志方輿紀要皆以還鄉河至玉川縣合
梨河此河今至寶坻入蘄運河

蘄運河乃梨河沽
河河合流而黃者也其要始於以澳水目之亦
非又隋書地理志北平郡盧龍有巨梁水水經注

小遼水篇之大梁水在今日

外八溝池界非此巨梁水也

又東南流逕寧河縣

漢雍奴縣地唐爲玉田武清
二縣今爲寶坻縣分置

江潢口爲潮河

謹案河在蘄州境者自白龍港至小河口長四十

里在玉田縣境者自小河口至西岔支長五十八里在寶坻縣境者自豐臺至江濱口長五十六里潮河卽洳河梨河還鄉河諸水所匯古鮑邱河入海之故道

一統志水經注鮑邱水所厯狐奴縣以下渠口雖無舊名仍在今三河以下之鮑邱河正其故道香河寶坻之窩頭渠水亦其支流薊運河乃其入海之道也

自寶坻縣之白龍港抵寧河縣之江漢口

〔春明夢餘錄〕潮河在寶坻縣東二十里一名白龍

港源自梨河洶河鮑邱河至縣界三汊口合流爲

運糧河又有柳沽河自主田縣來俱經東南注白

龍港故邑有渠陽之稱

〔謹案〕柳沽河畿輔通志引方輿紀要在寶坻縣東北

三里一統志云在寶坻縣東南八十里而寶坻縣志遂以繡針口支河當之繡針口卽抽針口也玉

川縣志有大御發沽在城南二十五里皆非是此河當卽魯沽河魯柳聲之訛縣志海濱柳興保里

東南至走線南燕二窩接玉田界魯沽河在焉有東沽西沽之名矣走線窩縣東南六十六里南燕

高縣東南
六十八里

方輿紀要白龍港在薊州南七十里

亦曰白龍江繞桃花山下洶河沽河諸水皆匯焉
入寶坻縣界亦名潮河以河通潮汐也 寶坻縣

志潮河經其東三汊緯其北渠水繞西而絡其南

白龍港自薊州而通於天津橋頭由夏店而合於

三汊所謂四水滌洄也白龍港界薊州縣東北十

八里鮑邱河合洶河沽河之水東南一支東至豐

臺再會溲水名懷襄河

詳案懷襄河卽還鄉河
更易新名於義無取

屈曲南流逕落波亭又南流逕帮道沽又南流逕清
泥沽又南流逕岳旂莊又南流逕江石沽又南流逕
小楊莊又南流逕田家莊頭又南流直縣北之板橋
莊繞城東流逕東窩莊又南流逕南窩莊逕西流逕
西園又南流逕果園又南流逕米厰又南流逕木頭
窩又南流逕大挺莊又南流逕蘆臺鎮

畿輔通志蘆臺鎮在寶坻縣東南一百四十里卽
古蘆臺軍也 二統志蘆臺軍在寧河縣東南去

寶坻縣東南一百六十里五代時劉守光置俗名

將臺

又南流逕北澗沽則有七里海之引河

互見自河篇

西來

入之

謹案七里海寶坻縣東南一百三十里西接塌河

淀北承後海又西北爲鯽魚淀又北爲油香淀海

又西北卽北運河王家務引河之所歸也東南爲

滙魚淀又東南爲曲里海又東南爲蠡子淀又東

南會蘄運河

畿輔通志七里海即北運河青龍灣藉以蓄洩者也一統志在寶坻縣

東南一百三十里正洋如海爲縣巨浸（明實錄）七里海計二百二十五里有荒地二萬一千五百餘頃太監汪直立莊於其中相傳爲御用監公物而民墾其內者一千四百六十餘頃嘉靖初有奸民以水退地百餘頃欲奪民業投獻內監民訴之闕下遣主事柴儒往勘還奏民之久業不宜漁奪惟永退堪熟地可入本監亦當聽民（晉）引河起漁獵採樵如擬撥給內監餘悉與民

七里海之東北自邢家垞東逕任鳳莊又東逕南

溝沽又東入蘄運河長三十五里乾隆十一年開

三次水利工程奏畧七里海之東有河形一道自晉口至南溝沽迤北長十九里直達蘄運河今

一併開挑深通引流入蘆運以歸於海則遼水有所宣洩而旱乾之年潮汐相通無資灌漑兼借汲引實多滙魚淀引河有二一滙魚淀東引河在晉

釋益也

口引河之南一滙魚淀西引河在東引河之南皆首起七里海之東東引河穿曲里海東南流逕寧

車沽會西引河西引河東流逕蠻子淀又東流逕

寧車沽會東引河同入蘆運河

乾隆二十八年奏畧一北運減河並

下游之場河淀七里海宜一律深通也北運河匯潮白諸河之水至天津三岔口入海源高湍急勢如建瓴每當伏秋大汛藉有王家務壩見港兩減水石壩分洩甚漲王家務壩門寬四十丈減河長

一百四十里由七里海入於薊運海河僅兒港壩門寬六十丈減河分南北二股北股運注塌河淀南股由麥子淀統匯於西隄頭引河經十里海歸入薊運海河兩減河雖經附近村莊分認段落歲加挑濬緣連年雨潦瀝水前注其中不免泥濘水滯應將王家務減河自亂石壩以下至七里海長四十七里零僅兒港北股減河自壩門至塌河淀三十四里零一律開挑以資下注王家務減河估挑而寬二十丈底寬十六丈深四五尺不等南減河估挑面寬二十丈底寬十八丈深三四五尺不等並築隄二十一里零共約估銀六萬五千四百五十一兩零又自七里海東北由營口至南澗沽長十九里零又自七里海東南由滙魚淀至蠻子洶長十里零爲歸入薊運海河之路均應一律深通以暢尾閘營口引河估挑面寬十丈底寬六丈深七尺滙魚淀估挑面寬十丈底寬七丈均深五

尺共約估需銀一萬二千一百八十兩零又七里
海內葦草糾叢長至十六里零阻遇水道應行創
掘估計工價約需銀一萬三千七十五兩又附近
王家務減河之東洶窪舊有支河宜洩窪水出減
河入於後海計長七里零應加挑濬並於潘兒莊
南另開引河一道長八里零以廣洩後海之路小
楊莊一帶可無水患東洶窪沽展面寬六丈底寬
四丈濬四五六尺不等潘兒莊新河估挑面寬六
丈四尺底寬四丈深四尺五尺不等共約估需銀五
千四百二十一兩零又塌河淀迤南之三支河內
賈家沽道稍淤長二十里應加挑濬迤東之西隄
頭河長三十一里零導淀歸海一遇盛漲不無旁
溢應冉加展寬深並於劉快莊北添開引河一道
長三里零使塌河淀水又多一路分洩賈家沽道
估挑面寬十丈底寬五丈八尺深四五六尺不等
西隄頭河估挑面寬八九丈底寬六丈深六尺劉

快莊新河估挑面寬六丈至十丈底寬三四丈深五尺共約估需銀二萬三千五百八十三兩零又麥子淀歸壩河淀中有署河三百丈並宜疏導俾轉輸無阻約估需銀一千八百五十八兩零又潘兒莊引河劉快莊新河並當孔道應各建木橋一座以利行旅共估需銀三百八十九兩零又筐兒港減水石壩較王家務壩門低四尺乾隆二十六年兩年過水至七八尺閱七十餘日之久其出水簸箕幾與壩身相齊大溜跌落壩下成坑深處撼動全功應將石簸箕接長七十一丈五尺均寬八丈以資導送平穩更得通身鞏固約東淀河在寶佑需銀六萬四千六百六十二兩零

坻縣南

寶坻縣志向名東淀自縣八里汀起至寧邑潘兒莊大道止計長七里歸入寧邑七

里海乾隆五年知縣洪登林請開濬以洩漕水後海在寧河縣西潘莊上

承鯽魚淀青龍灣引河之下流也

又南流逕田家莊又南流逕漢沽莊又南流逕寨上
莊又南流逕南澗沽又南流逕營城莊又南流逕塌
灣莊又南流逕避風嘴則有曲里海之水自寧車沽
西北來注之

謹案曲里海在南澗魚淀東南上承北澗魚淀下
流爲寧車沽卽七里海引河也

又南流逕北塘口計自江漢口起至此長一百五十

里有新引河之水自天津西來橫入之又南流入於海

永經注自是水之南極濠池西至泉州離奴東極於海謂之雍奴藪其澤野有九十九淀枝流條谷往往逕過非惟梁河鮑邱同歸於海也 畿輔通志北塘口在寶坻縣東南潮河入海之口也 寶坻縣志潮河南過寧河縣由蘆臺抵北塘口入海 雍正四年因鮑邱河久塞開挖由王補莊歸入窩

頭河以通薊運

謹案新河在寧河縣北明天順二年開西起天津

直沽東至北塘口與薊運河合以通漕艘長四十

里後廢

漕河圖志明初海運一十三衛管駕遮洋船由直沽海口開洋運至薊州歲有疎虞

天順二年以大河衛百戶閔恭言命都督僉事宗勝御史李段工部主事李尚發軍夫萬餘開河

新開沽起至薊州長四十里舟行無虞方輿紀要直沽在靜海縣東南一百二十里御河白河丁

字沽合流于此又東南四十里名海口通典謂之三會海口元于此置海津鎮天順二年議自小直

沽鑿河四十里達薊州以免海運每三年一審是罷新開沽在天津衛東九十里相去十里曰水套

沽其長四十餘里一名新河卽天順初議開海濱
二沽以通薊運道處也（一統志）新河在寶坻縣
東南一百四十里亦名漕渠明漕運由直沽入海
復折入運糧河達於薊州每有風濤之患天順二
年始開此渠
以通運艘

本朝康熙三十四年重開

寶坻縣志康熙三十四年重
開新河一道長二千一百八

丈底寬二丈面寬二丈五尺深五尺每步撒鄰邑
協修雍正十年分設寧河縣其河則寶邑承挑一
千一百丈寧河承挑一千零八丈乾隆元年發帑
歲脩專歸寧河（謹案）一統志新河故道自寶坻
縣東流逕豐潤縣南又東逕灤州南又東至樂亭
縣入濡水舊志有潮河在灤州南一百三十里海
水蕩清流延百餘里乃黑洋海口東派北逕曾家
灣流至濟民場東距蠶沙口二十里亦名林裏疑

卽新河餘流幾匳通志渤海在寶坻縣東南二百
里西南接天津東卽豐潤界豐潤縣志每在縣北
南二百里東際遼海西抵直沽南達登萊浩瀚千
有餘里爲還鄉河陡河歸宿之所魚鹽蜃蛤居民
利之樂亭縣志新河在縣西三十里夾於清樂之
間卽古新河也自雍奴而達海會樂水雍奴卽武
清鮑邱水卽潞河也蓋新河橫亘於南北而樂路
得以交通故饋運相接自此渠廢而東餉遂由海
道風帆浪泊時日靡定又水經注濡水篇濡水東
南流逕樂安亭南東與新河故瀆合自雍奴縣承
鮑邱水東出謂之鹽關口魏太祖征渤海與海口
皆導也世謂之新河矣陳壽魏志以通河海也新
河又東北出逕石北平絕洶渠之水又東北逕昌
城縣故城南至新河又東分爲二水枝瀆東南入
新河自枝渠東出合封大水謂之交流合又東出
海陽縣與緩盧水會又東與素河會謂之白水口

又東至九過水口又東逕海陽故城南又東與澄水會又東太究水出焉又東左逕爲孔陽孤淀又東會於濡詳其水道蓋西起天津東盡樂河以達海古新河橫亘道里之長如此明時所開僅四十里起武清迄寶坻未及古水道十分之三猶仍舊名而謂之新河非謂至此新開也樂亭縣志之言爲得其寔矣

附載

九沽泉在平谷縣

方輿紀要妙峯山在縣東北二十五里下有九沽泉

龍泉在平谷縣

方輿紀要縣東南十里成祖嘗駐蹕於此飲水而甘錫以今名

蓮花潭在平谷縣西北十五里

黑豆窩河洶河餘流也自三河縣屬九江口分派入
薊州西南境東南流逕金水屯入青洶窪長六十里
今涸

鹿角河今無考

畿輔通志在遵化州西南七十里其地窪下向苦
水患明縣令辛志登開渠洩之遂成膏腴 平谷

縣志東鹿角莊縣西六里西鹿角莊縣西八里

現渠河發源薊州城西南冀家窩南流逕龍灣莊又

南流入青澗窪長五十餘里今澗

黑馬泉水或以爲卽黑牛谷水逕薊州城南合五里

河今澗

辨見前
沙河下

香河

薊州志在香水寺殿後旱不竭澇不溢

醴泉卽薊州靜安寺井

鵝泉在靜安寺西

仙泉

薊州志在東甘澗東南深一尺八寸四時不涸

漱玉泉

薊州志卽青溝井 盤山志漱玉泉在青溝內今

甃爲井

秩秩泉

薊州志在青溝南 盤山志秩秩泉漱玉泉南半

里在清涼石迤上

甘泉

薊州志甘泉山在州西五十里有泉極甘絕頂有
大石狀如犬故又名石獒山山上有甘泉寺

澤鉢泉

畿輔通志盤山下有澤鉢泉

半月泉

薊州志沙嶺在州西三十里上有半月庵內有半

月泉

涼泉

畿輔通志在薊州西 方輿紀要去陽河一里許
有泉出地中方廣丈許盛暑彌涼因名

黑龍潭

薊州志龍潭澗卽黑龍潭在獬豸峯西兩山相夾
峭壁峻嶒 盤山志龍潭有山曰小潭曰舊潭曰
黑龍潭舊當澗中滑不受履往來隔絕崇禎中淨
業庵主僧命工構橋以便遊履甫興工龍卽涌水
數丈霹靂而去遂移下潭其下潭亦有二連珠而

成遇旱居民禱雨於此

蔣福山龍潭

盤山志蔣福山龍潭亦有三
薊州志蔣福山在
州西北五十里頂上有龍潭禱雨輒應

飲馬潭在下盤

盤山志眼甲石山相傳唐太宗東征幸此眼甲東
北有飲馬潭三字

黑龍池

盤山志在報國寺東

紅龍池

盤山志在少林寺東石壁鑿紅龍騰躍水面旁鐫

紅龍池三隸字

洗鉢池

盤山志在千像寺內昔人見千僧洗鉢於此近之
而沒今斃井

蓮花池在盤山入山中道

天池在盤山洗心石下

釋智樸天池記天池石池也在西甘澗迤北直上里許縱橫三丈餘硨石而成不假雕鑿其深不盈尺其水不涸其南面有小口方六七寸夏秋之交其水溢則自口而出活活有聲其上有盤周五丈許平如几筵曰洗心石

聖水井

盤山志在青峯菴東廂石几下

龍泉井

盤山志在龍泉寺前

潮井

畿輔通志盤山上有二龍潭下有潮井

城西井

薊州志西門外城河中井泉源方廣丈許味甘如飴

石碑井在南門外今無

東岸井

薊州志在城河東岸其味甘而稍薄名爲下醴泉
香林寺井在州西北三里

堂子井秀女井俱在城內西南隅

燕家上井

薊州志在州城內東北其味甘而厚名爲上醴泉

倉前井在薊州倉前下坡

甘澗

盤山志甘澗有三青溝前爲上甘其下隅一小山

東爲東甘澗西爲西甘澗

龍潭澗卽黑龍潭

響澗

盤山志自淨庵一帶水與礮石相角鳴聲徹晝夜
瀉至暇甲石下出山

飛帛澗

盤山志在天城寺西北隅六七月間澗水自空中

注下如飛帛

漲水溝

畿輔通志在薊州北唐神龍中姜師度開
護塞此溝之最古者今不可考

青溝

盤山志青溝一名盤谷居盤之中羣峯圍繞水匯
於一逆流向西自天城寺水口出山上有青溝禪
院

金馬石溝在盤山先師臺後

燕子石溝在盤山報國寺東石形如燕巢

五盤溝

盤山志當澗中有五四各丈餘能溜水故名在茶

子菴主山後

串鈴溝在蕪州東北四十里

平鹵渠在蕪州西南

劉肅大唐新語司農姜師度明於川途善於溝洫

嘗於薊北約魏帝舊渠傍海新建號曰平鹵渠以
避海難餽運利焉 冊府元龜中宗神龍三年滄
州刺史姜師度於薊州之北漲水爲溝以備契丹
之寇又約舊渠傍海穿漕爲平鹵渠以備海南運
糧
謹案此似卽今之紫金泮水遼人用之以爲運河
者也

出水深在薊州南

遼史本紀聖宗統和七年十二月獵于薊州之南
甸釣魚于曲水樂

青洵窪在薊州南限渠河黑豆水之所匯也西南爲
三岔口

鏡兒淀

盤山志在蔣福山之西周數里登自來峯望之澄
瑩如鏡

東淀在薊州東南西南爲柳林口下流卽賁坻縣之

東淀河

棗林淀

〔遼史本紀〕聖宗會同九年閱諸道兵於棗林淀

元史本紀明宗天歷元年燕鐵木兒與太平等戰

于檀子山之棗林淀 〔畿輔通志〕在薊州西

邦君洵在薊州西三十里

〔謹案〕邦君淀見于金史及洪皓松漠記聞今作邦

均

劍泉

畿輔通志一名茂公泉在遵化州西北十八里

二統志亦有灌溉之利

樓子湖

二統志在遵化州南十三里縱廣七里產蓮藕

野狐山潭

二統志野狐山在遵化州西北十七里下有澄潭

旱可禱雨

蒲池在遵化州城西七里

蓮花池在遵化州南磨臺山

長安客話蓮花池在磨臺山 方輿紀要磨臺山
在遵化州南四十里

東征石井

盤山志在先師臺下相傳唐太宗東征幸此命鑿
井至三丈餘始有水水去山十里有報水村

海子

靈輜通志在遵化州西南四十里縱深十餘里爲
湯梨二河下流

鳴盆澗

永平府志遷安縣黃山下爲鳴盆澗盆乃石凹泉
流之如磬

夏謙澤在三河縣西

水經注鮑邱水又東南入夏澤澤南行曲渚一十
餘里北佩謙澤渺望無垠一方輿紀要夏謙澤在

平谷縣東北百餘里今縣東北有海子或以爲卽
故澤也金盞兒淀在通州北二十五里廣袤三頃
水上有花如金盞因名或云卽古夏謙澤也在薊
北二百餘里 二統志夏澤在三河縣西 三河
縣志古謙澤今廢爲馬房地馬房在馬房莊北爲
遼金元明牧圍之所

謹案一統志云方輿紀要謂平谷縣東北百餘里
有海子或謂卽故澤與水經注不合據如酈說則

夏澤與謙澤爲二故紀要以平谷之海子及通州之金盞兒淀皆以夏謙澤當之一統志正之是也然觀酈註渺望無垠之言則固非盡於通州三河之境也紀要所云亦未可厚非日知錄夏謙澤晉書載紀慕容寶盡徙薊中府北趨龍城魏石河頭引兵追之及之於夏謙澤胡三省通鑑註夏謙澤在薊北二百餘里恐非按水經註鮑邱水東南流逕潞城南又東南入夏澤澤南行曲渚一十餘里

北佩謙澤下云鮑邱水又東與洵河合三河志鮑
邱河在縣西二十五里源自口外南流逕九莊領
過密雲合道人溪至通州之米莊村合清水入洵
河今三河縣西三十里地名夏店舊有驛鮑邱水
逕其下而洵河自縣城南至寶坻下入於海疑夏
店之名因古夏澤其東彌望皆陂澤與水經注正
合自薊至龍城此其孔道寶以丙辰行魏以戊午
及之相距二日適當其地也

不老淀在三河縣西四里

三河縣志南塘邑南積水數十頃下通錯河一名

不老淀土人呼爲南港

尹家溝麻窩莊在三河縣二溝由柳河屯

在夏入鮑店西

邱河長十餘里因雨有水始通注

河溝二道一自密雲縣界坨頭寺起至三河縣天井莊八於錯河長二十三里一自懷柔縣界胡家營起至三河縣屬中橋莊分爲二復由平谷縣境方光莊

入於錯河長二十五里均係乾溝

鶴子山泉在三河縣東北

三河縣志鶴子山泉自山西匯入山南蠻子營入錯河長七里中營爲稻田

謹案三河縣志圖不記鶴子山泉亦湮廢縣東十五里有堡子山與靈山連麓接勢疑卽鶴子山也聖水泉在三河縣西北

二統志聖水山在三河縣西北三十五里上有聖

水泉俗傳可愈眼疾

謹案聖水山縣志又以爲在縣北十五里之蕨山
山與靈山接勢疑縣志是也

聖水盤

畿輔通志聖水盤出玉田縣西北三十里有水一
區最甘美因名

南河在玉田縣城北四十里

漳泗河在玉田縣城北四十五里

石棚山泉

玉田縣志縣西北三十里有石棚泉自石竇中流出甘涼可飲

文龍山泉

畿輔通志文龍山在玉田縣西北三十里山之陽有三泉潑洄如瀑布蓋燕山之別隴也

渠連河在玉田縣城東四十五里

後莊湖

方輿紀要在玉田縣北

孫家灣在玉田縣城南三十里

軒河淀在玉田縣東南四十五里還鄉河側

大柳沽在玉田縣城南二十五里

窩洛沽在玉田縣城南六十里

黃泊沽在玉田縣城南六十六里

託床沽在玉田縣城南六十八里

朱勝沽在玉田縣城東五十里

錢家溝在玉田縣城南三十五里

台子溝在玉田縣城東四十六里

五里渠在玉田縣城南四十四里

醴泉

畿輔通志在豐潤縣北其水甘冽

東淮沽西淮沽豐潤玉田二縣交界處爲還鄉河泥河黑龍潭河三水匯入薊運河處

燕子河

豐潤縣志燕子河至西路七樹倉十里倉至縣二
十里

石泉井

豐潤縣志在觀雞寺山門外鑿石成井泉水湧出
盛夏則溢至冬稍減故又名溢泉井

石井

畿輔通志石井山豐潤縣東北三十五里上有石
形如龍口內容水數升隨取不竭

甘泉井在豐潤縣東二里大路之南有二井東者尤佳

銀城井在豐潤縣東十五里銀城鋪大路之北乾隆十九年知縣吳慎開

里馬淀在豐潤縣南黑龍灣水所出也

石橋沽在豐潤縣至東路王蘭莊倉十三里倉至縣一百里

龍潭

豐潤縣志城北八里許有澄潭西山下臨湏水澄泓碧綠無涸時漁人不敢入而測其深廣或曰禿龍之所湫也

香泉

豐潤縣志在坡兒莊東平地出泉溢爲渠西流里許復伏於地

葉清店河

二統志在香河縣西南十里水泛則上通狼兔窩

張家莊運糧河口下通甄家店葉家屯三路隄口
〔香河縣志〕葉清店河若甄家店隄開則由趙家
河入本縣城河內若葉家屯隄開則由延寺莊黃
家院井亭莊顏家窪入高家陀河若董家屯隄開
則由延寺莊十百戶龐家營彭家務入高駝子河
高駝子河

畿輔通志在香河縣東南十五里上通蕭后運糧
河及葉家屯董家屯兩隄口下經杜里莊爲牛濟

河 香河縣志水泛則三水灌入下經清河務杜
里莊入牛濟河

牛家港河

香河縣志城東十八里水泛則上通蒲池河下由
韋各莊套里莊三叉口入七里莊河通寶坻縣入
海

雙港河

畿輔通志在香河縣東二十里上通蕭后運糧河

下經黑圈子莊戴家閣紫陽院入寶坻界

劉宋河

畿輔通志在香河縣東南三十里上通頭屯浦河
下經彭家務入寶坻界

牛濟河

畿輔通志在香河縣東南七十里上流由杜里莊
通高駝子河下流入七里莊河

謹案一統志牛濟河在縣東南三十里香河縣志

牛濟河屯在城東三十里蓋屯卽以河名通志作
七十里遠矣

七里莊河

香河縣志城東三十里水泛則上通牛家溝牛濟
河以經韋各莊出境入寶坻

義井在香河縣東五里

周家陀河

香河縣志城東二里一片沙陀涸無水

董家灣河

香河縣志城南十里一水泓渟上下不通

淤泥河

寶坻縣志在縣西北二十五里

糧河

寶坻縣志在縣南五里古海運故道也元世祖以
越海不便塞之今河形尙存

東泗河西泗河

寶坻縣志海濱鄉孝行里縣東南二十四里蓋寶
坻地最窪下積水不消後人隨地指名旋卽乾涸
河廢而名尚存

小月河

寶坻縣志海濱鄉承化里東南界寧河者曰小月
河去境九十里

謹案縣志尚有前韓河後韓河望都鄉務本里縣
西南二十五里自駱駝港河以下大抵皆廢河道

亦無存者蓋鮑邱河一時決入之水土人卽其地
以名之耳

甘泉

寶坻縣志在河北寺東南數武清泉潏然其味如

醴

龍潭

二統志在寶坻縣有二一在縣東五里一在縣東

十里

北青溝在寶坻縣東南四十五里南青溝在縣東南

四十六里

龐家灣在寶坻縣西南三十八里

趙家灣

寶坻縣志廣川鄉寧海里趙家灣界武清縣正南
六十里

四里港

寶坻縣志廣昌鄉之里首爲和樂四里港縣正南

二十五里

東十字港西十字港寶坻縣西南四十里界武清
扒頭港寶坻縣正南二十八里

泉州渠

二統志在寶坻縣東南一名新河

牛蹄海在寶坻縣正南四十五里

柳村窪寶坻縣正南八十里

破淀寶坻縣東五里

尋思淀

二統志在寶坻縣東南四十里又東南三十里有

小淀

月河淀在寶坻縣東南九十里

東遊香淀

二統志在寶坻縣南八十里又縣南三百五十里

有草頭沽淀及神堂兒淀

糴淀

二統志在寶坻縣西十五里又縣西十八里有蘇
子淀三十五里有育王淀又正西三十里界寧河
大薄洵小薄洵在寶坻縣西南三十五里界武清
趙淀

二統志在寶坻縣東北五里又縣東北二里有地
扒拉淀

大角洵小角洵在寶坻縣正東二十里

糙淀在寶坻縣東南四十二里

黃花洶在寶坻縣正南六十里

豬頭洶在寶坻縣正南八十里界寧河

大頃洶小頃洶在寶坻縣正南八十里界寧河

鯽魚洶在寶坻縣正南六十五里

承司洶在寶坻縣正南九十里

黃莊東淀

寶坻縣志正南界天津一百三十里其間著名者

有黃莊東淀

大沽灘沽

寶坻縣志正東由于孫二里至大沽歷蘇家莊小
齊家莊至灘沽方五十五里又三里爲船兒窩馬
家莊界玉田

十字沽

寶坻縣志西南三十里外界武清十字港中有巨
鎮焉曰大屯口

西莊沽在寶坻縣正東二十七里

十里

葫蘆沽在寶坻縣正南六十七里界寧河

扛石沽在寶坻縣東南五十里

塔沽在寶坻縣東南五十二里

半截沽大洵沽在寶坻縣東南五十三里

瑪瑙沽在寶坻縣東南五十八里

大駱里沽小駱里沽在寶坻縣東南六十里

青稗沽在寶坻縣東南五十九里

小塔沽在寶坻縣東南六十里界玉田

西魯沽在寶坻縣東南六十四里界玉田東魯沽東南六十五里界玉田

菱角沽在寶坻縣東南七十里

八道沽在寶坻縣正南六十里界武清

王家沽在寶坻縣正南六十三里

曹家沽在寶坻縣正南六十四里

北李子沽在寶坻縣正南六十里南李子沽正南七

草頭沽卽草頭湖

方輿紀要遵化豐潤縣境之水流入縣界溢而爲湖俱匯潮河入海 曹飛籌兵三十六字自寶坻之草頭沽至豐潤之黑雞地宜各以衛兵守之

幫道沽在寶坻縣正北八十里

南寨沽在寶坻縣東南四十一里

剪子沽在寶坻縣東南五十五里

五道沽在寶坻縣東南六十里

于家沽在寶坻縣東南六十五里

梁家沽在寶坻縣東南六十九里

貉子沽在寶坻縣東南七十五里界寧河

七十二沽

寶坻縣志俱在縣東南潮水逆流民資灌溉

王實莊洩水溝在寧河縣東南莊前起逕盆權莊獐
子鋪楊花莊田板橋入蘄運河長五里

王御史莊洩水溝在寧河縣南莊前起逕大挺莊水

頭窩入薊運河長四里